

यूहन्नाकी टिवु यिकी थल्मा

दी थेपकी कोर्ला

यूहन्नाकी दी यिकी थल्मा ति नोवा ड्यीकी थोक्ला टिवु यिन। नोवा च्यिक ति दी यिकी रोकुपतिवाला कोन्छ्योक ताड खोकी सेवु येशू ख्रीष्टकी मुला तम्जी ल्यामु च्युङ्नी मिजी क्योङ्गुप डाडेड तेरुपला यिन। नोवा ड्यिवा ति ती तम्जीला थरा थुरा जोप येन्देन मेटेङ्बुला ड्येन्दुप मेवी सिनी च्याङ्से दे ज्यितुपला यिन। ती येन्देन मेटेङ्बु तेरुपतिवी दी जुला वोतुप मिजीकी तम्जी नेसुर दुक्टा क्येकिवी। येशू कोन्छ्योककी सेवु यिन, यिने मी जुजमला जम्बुलिङला फेपुप ति मिन सिनी येन्देन मेटेङ्बु टाम्नोक, तमा सेन्बु लुवुला दी जम्बुलिङकी मिजीकी पप नेसुर कुतुक दे गोकिवी, थर्वा ड्येतुपला ठिम ताड ड्यिङ्ज्ये मोगोवी सिनी मीतिवाला लोप्किनोक।

तुका येन्देन मेटेङ्बुला यूहन्नाकी ड्यिर्मु क्यासुड, तमा तीकी येशू ख्रीष्ट मी जुजमला फेपुप कोन्छ्योककी सेवु राड यिन सिनी ठछ्येली सिक्का वे। तमा येशूला तेपा कितुप ताड कोन्छ्योकला डो शेवुतिवा तेरीकी च्यिककी च्यिकला ड्यिङ्ज्ये कि गोकी सिनी डार क्यानी सिक्का वे।

मुला राड वोतुप लोप्च्येनतिवा

- यिकीकी कोर्ला १:१-४
- वोसिर ताड नक्तोमी १:५-२:२६
- कोन्छ्योककी गिपा ताड शैतानकी गिपा ३:१-२४
- ड्यिङ्ज्ये कि गोवु कोर्ला ४:१-६
- टेङ्बु ताड जिनोक ४:७-२१
- तेपाकी ग्येलुप ५:१-२१

मिजी तेरुप सुड

१ दी ताम्डेतिवा ति मिजी तेरुप सुडगी कोर्ला टिवु यिन। दी मिजी तेरुप सुड ति थल्माला जम्बुलिड ज्येङ्गुप पेला राड वोतुप यिन, तमा ती ति डियरा थोवु ताड मिककी थोङ्गुप साड यिन, डियरा ल्हावु ताड थोवा तङ्गुप साड यिन। २ती मिजी ति जम्बुलिडला फेवु डियरा थोङ्गुसुड। तुक क्यानी ती नाम्साड मिशिवु मिजीकी कोर्ला डियराड ख्यिराडला पङ्बु बिन्नी सिरिन। ती मिजी ति थल्माला के पपा कोन्छ्योककी मुला नोक, ती ति डियरा पर्ला फेप्सुड। ३डियरा काड थोङ्गुप ताड थोवु ति ख्यिराडला सिरिन वे। च्यिलासिसिन ख्यिराड डियरा मुला डिक्जोम च्युङ्नी तम्जी ल्यामु वुङ्शी। तमा डियरा डिक्जोम ति पपा कोन्छ्योक ताड खोकी सेवु येशू ख्रीष्टकी मुला जो वे। ४दाक्पु तेरीला लोदिमु वुङ्शी सिनी डियरे दी ताम्डे ति टिवु यिनो।

कोन्छ्योक ति ठछ्येली वे

५डियरा येशू ख्रीष्ट नेमा थोवु लेन ल्यामु ति ख्यिराडला शेतिनो। ती ति काड यिन सिसिन कोन्छ्योक ति ठछ्येली वोतुप वोसिर टेङ्बु वे। खोकी मुला काड साड नक्तोमी वोतुप दोके मेटेङ्बु मे। ६दोजो दाक्पु खो ताड मुला डिक्जोम च्युङ्नी तम्जी ल्यामु वे सिनी सिवी, यिने नक्तोमीला राड युक्पु

दोके मेटेङ्बु किवी सिसिन, दाक्पु ति जिनोक जोप ताड मेटेङ्बु यिन। ७यिने खो ठछ्येलीला वोतुप दोके दाक्पु साड खो मुला राड ठछ्येलीला युकिवी सिसिन दाक्पु डिक्जोम ल्यामु च्युङ्गिगी। तमा खोकी सेवु येशू ग्यङ्गिङ्गला कल्नी तेन्दुप ठक नेसुर दाक्पी दिक्पातिवा तेरी ताकिवी। ८दोजो दाक्पी डला याड दिक्पा राड मे सिवी सिसिन, दाक्पी दाक्पुला राड जिनोक जोवु दोके यिन। तमा दाक्पी सेमला टेङ्बु मेतुप यिन। ९यिने दाक्पी ड दिक्छेन यिन सिनी दिक्पा ने ग्युर्सुड सिसिन, दाक्पी तेरी दिक्पातिवा खोकी माफ नङ्गिगी, तमा दाक्पुला तेरी मेटेङ्बु नेसुर टेङ्बु जो नङ्गिगी। च्यिलासिसिन खो खोङ्तेर्मु ताड टेङ्बु वोतुप कोन्छ्योक यिन। १०येलुड दोजो दाक्पी डे याड दिक्पा माक्या वे सिवी सिसिन, कोन्छ्योकला दाक्पी जिनोक जोप मी दोके जेवी, तमा खोकी सुड ति दाक्पी मिजीला मेवी।

येशू ख्रीष्ट ति दाक्पी छ्योला वोतुप चोवो यिन

२ डे आडातिवा, ख्यिराडला दिक्पा माकी सिनी डे दी ताम्डे ति ख्यिरा थोक्ला टिवु यिनो। यिने सी दिक्पा क्यासिनाड दाक्पी छ्योला लानी कोन्छ्योक ताड मुला ताम्डे लपुप मिरा च्यिक वे, खो ति टेङ्बु वोतुप चोवो येशू ख्रीष्ट यिन। ३खो ति दाक्पी दिक्पी थोक्ला कोन्छ्योकला

जिन्बा तोङ्गुपला खुरुड राड टुङ्गुप यिन। दाक्पी दिक्पी थोक्ला तिराड मिन्दाला, जम्बुलिडला वोतुप तेरी मीतिवी दिक्पी थोक्ला यिन।

३ दाक्पु कोन्छ्योककी क नङ्गुप सुडला युसुड सिंसिन दाक्पी खोला डो शेवु यिन सिनी हाक्कोकिवी। ४ यिने चुका मी तीकी ड कोन्छ्योकला डो शेकिवी सिनी सिवी, यिने खोकी कला ति मुयुकिवी सिंसिन, ती मी ति जिनोक जोप यिन, टेङ्बु वोतुप मिन। ५ यिने चुका मी ति कोन्छ्योककी सुडला युकिवे, तीकी कोन्छ्योकला सम ने डियङ्ज्ये क्यावु ति वुतुड के तेरी छेकिवी। तुक क्यासिन दाक्पी मिजीला कोन्छ्योक वे सिरुप ति हाक्कोकिवी। ६ डे मिजी ति कोन्छ्योक ताड मुला तम्जी ल्यामु वे सिरुप मी तीकी येशूकी दोके मिजी क्योड गोकिवी।

क सम्बा

७ डे डियङ्ज्येवुतिवा, ड ख्यिराडला यम्बा क सम्बा मिन, क डियङ्बा राड टिकिन वोतो। ती क डियङ्बा ति थल्मा नेजु ख्यिरा मुला वे। तमा ती क ति ख्यिरा थोवु साड यिन। ८ यिन्सिनाड ड ख्यिराडला क सम्बा यी टिकिन। ती टेङ्बु वोतुप क ति येशू ख्रीष्टला वे, तमा ख्यिरा मिजीला साड वे। च्यिलासिसिन नक्तोमी ति गानी सिन्सुड, वोसिर टेङ्बु ति वो ग्यकिन नोक। ९ चुका मी तीकी ड येशूला तेपा

क्यानी ठछ्येलीला युक्प यिन सिवी, यिने तेपा कितुप यम्बा नुप ताड नुमला डियङ्मर किवी सिंसिन, ती मी ति तरोड साड नक्तोमीला राड वोतुप मी यिन। १० तमा चुका मी तीकी तेपा कितुप यम्बा नुप ताड नुमला डियङ्ज्ये किवे, ती ति ठछ्येलीला युक्प मी यिन। तीकी काड साड लाका मेलोवा मिकिवी। ११ यिने चुका मी तीकी तेपा कितुप यम्बा नुप ताड नुमला डियङ्मर किवे, ती मी ति नक्तोमीला राड युकिवी। तमा खुरुड कनी डोयी वे सिरुप ति तीकी हाक्कोकीवी। च्यिलासिसिन दिक्पाकी तीला मिक मोथोङ्गुप जोवु गिवी।

१२ डे आडातिवा, येशूला तेपा
क्यानी ख्यिरा दिक्पा ति
कोन्छ्योककी माफ नङ्गुप
तप्की

ड ख्यिराडला दी यिकी ति
टिकिन वोतो।

१३ पपातिवा, ख्यिरा थल्मा नेज्यु
वोतुप ख्रीष्टला डो शेवु तप्की
ड ख्यिराडला दी यिकी ति
टिकिन वोतो।

नाज्युडतिवा, ख्यिराड दुक्टाकी
खला ग्येलुप तप्की
ड ख्यिराडला दी यिकी ति
टिकिन वोतो।

१४ डे आडातिवा, ख्यिरा पपा
कोन्छ्योकला डो शेवु तप्की
ड ख्यिराडला दी यिकी ति
टिकिन वोतो।

पपातिवा, ख्यिरा थल्मा नेज्यु
वोतुप ख्रीष्टला डो शेवु तप्की
ड ख्यिराडला दी यिकी ति
टिकिन वोतो।

तमा नाज्युडतिवा, ख्यिरा
तेपा ति रम्बु वोतुप ताड
कोन्छ्योककी सुडला
ड्येन्नी दुक्टाकी खला साड
ग्येलुप तप्की
ड ख्यिराडला दी यिकी ति
टिकिन वोतो।

१५ ख्यिराड जम्बुलिड ताड
जम्बुलिडला वोतुप तेरीला नासाम
मातोड। चुका मी तीकी जम्बुलिडला
तिराड नासाम तोङ्गवे, तीकी
कोन्छ्योकला नासाम मोतोङ्गवी।
१६ च्यिलासिसिन जम्बुलिडला वोतुप
तेरीकी तेन्दोक ति मी सेमला शरुप
नासाम मेलोवा ताड मिककी थोडिसमा
नासाम मेलोवा शरुप ताड मी मिजीला
ड राड यिन सिनी छ्येजु कितुप
यिन। तिवा ति कोन्छ्योक नेमा वोवु
मिन, यिने जम्बुलिड नेसुर वावु यिन।
१७ जम्बुलिड ना डिवी, जम्बुलिडला
वोतुप नोवातिवा साड ना डिवी, यिने
कोन्छ्योककी नोवाला वोतुप लाका
कितुप मी ति नरीकी नरी लुकिवी।

ख्रीष्टकी तेन्दोकला लावु मी

१८ आडातिवा, जम्बुलिड ना डोप
तुजे ति तन्दा राड यिन। ख्रीष्टकी
तेन्दोकला लङ्गुप ति वुड्यिन वे
सिरुप ति ख्यिरा साड थोनी वे। तिवा

ति तन्दा राड बडी वा वे। तुक क्यानी
जम्बुलिड ना डोप तिङ्मी तुजे ति दी
राड यिन सिनी ख्यिरा हाक्कोकिवी।
१९ तोङ्गला तिवा दाक्पी मु नेवा थेन्नी
गलुप यिन, च्यिलासिसिन वुतुड के
तिवा दाक्पी थाकाकी ति मिन। दोजो
तिवा दाक्पी थाकाकी ति यिन्दुप
यिन्सियाड दाक्पी मुला राड लुवु ति
यिन्जा। तुक क्यानी वुतुड के तिवा
दाक्पी थाकाकी ति मिन सिरुप ति
ठछ्येली हाक्कोकिवी।

२० यिने ख्यिराडला याड टेड्बु वोतुप
ख्रीष्ट नेसुर नुमकी नुम्शाल ग्यप्नी वे।
ती तप्की ख्यिराड तेरीकी टेड्बुला
डो शेकिवी। २१ ख्यिरा टेड्बुला छ्या
मे सिनी दी यिकी टिवु ति मिन। यिने
ख्यिरा टेड्बुला छ्या वे, तमा टेड्बु
नेसुर जिनोक जोप मेङ्गवी सिरुप
ति ख्यिरा हाक्कोवु तप्की दी यिकी
ति डे ख्यिराडला टिवु यिनो। २२ चुका
मी तीकी येशूला दिक्पा ने थर ज्यितुप
ख्रीष्ट यिन सिनी सेमला मिलिड वे,
ती ति जिनोक जोप मी यिन। तमा
चुका मी तीकी पपा कोन्छ्योक ताड
खोकी सेवुला सेमला मिलिड वे, ती
ति येशू ख्रीष्टकी तेन्दोकला लङ्गुप
मी यिन। २३ कोन्छ्योककी सेवुला
सेमला मिलिङ्गुप तीकी मुला पपा
कोन्छ्योक मेवी, यिने खोकी सेवुला
सेमला लिङ्गुप तीकी मुला पपा
कोन्छ्योक गिवी। २४ चुका ताम्डे ति
ख्यिरा थल्मा नेज्यु थोवे, ती ताम्डे ति
नरी ख्यिरा सेमला ज्योक। दोजो थल्मा

नेज्यु हाक्कोवु ताम्डे ति ख्यिरा सेमला ज्याक्सुड सिंसिन, पपा कोन्छ्योक ताड खोकी सेवु येशू ख्रीष्टकी मुला ख्यिरा तम्जी ल्यामु लुकिवी। २५खोकी ख्यिराडला थाक्छ्येन नङ्गुप ति ती नाम्साड मिशिवु मिजी यिन।

२६दी ताम्डे ति ख्यिराडला जिनोक जोपतिवी थोक्ला डे टिवु यिनो। २७ख्रीष्ट नेसुर थोपुप थु चाड्मा ति ख्यिरा मुला नरी लुनी वे, तुक क्यानी ख्यिराडला सी साड लोप मोगोवी। च्यिलासिसिन खोकी थु चाड्माकी राड ख्यिराडला तेरी ताम्डे ति लोप्किवी। ती थु चाड्माकी लापुप ति टेड्बु यिन, जुमा मिन। तुक क्यानी खोकी थु चाड्मा नेसुर लापुप दोके ख्यिराड खोला तेपा क्यानी दे।

कोन्छ्योककी गिपा

२८डे आडातिवा, ख्रीष्ट येनुड फेपुप तुजेला ख्यिराड डाडेड क्यानी खोकी चिप्ला डोछाला मेख्येलशी सिनी तेपा रम्बु क्यानी देता। २९खो टेड्बु वोतुप ति ख्यिराडला छ्या वोतुप तप्की कोन्छ्योककी थोड्दाडला टेड्बु वोतुप लाका कितुपतिवा तेरी खोकी गिपा यिन सिनी ख्यिरा हाक्कोकिवी।

३ ल्होसा, कोन्छ्योककी दाक्पुला छासे ड्रियड्ज्ये क्या नड वे। तुक क्यानी दाक्पुला खोकी पुज्युडपुम चिवु तप्की वुतुड के तन्दा दाक्पु खोकी पुज्युडपुम यिन। ती तप्की जम्बुलिडकी मीतिवी

दाक्पुला डो मेशेवी। च्यिलासिसिन तिवी कोन्छ्योकला डो माशे वे। ३०डे ड्रियड्ज्येवुतिवा, तन्दा दाक्पु कोन्छ्योककी पुज्युडपुम यिन। दाक्पुला ज्युक्ला काड ख्येलिगीवी सिरुप ति तन्दा सेक छ्या मे, यिने येशू फेवु पेला खो चुकै नोक सिरुप ति दाक्पी मिक्की राड थोड्गिगी। तमा दाक्पु खो दोके राड डिवी। ३१तमा खो टेड्बु वोतुप दोके, दाक्पु खोला रेवा क्यानी देतुपतिवा तेरीकी टेड्बु जोनी दे गोकिवी।

३२दिक्पा कितुप मीतिवा तेरी कोन्छ्योककी ठिमला मेड्येन्दिवी। च्यिलासिसिन दिक्पा कितुप ति कोन्छ्योककी ठिमला मेतेन्दुप यिन। ३३दाक्पी दिक्पा ता ज्यितुपला राड येशू ख्रीष्ट फेपुप यिन सिरुप ति ख्यिराडला साड छ्या वे। तमा खोला काड साड दिक्पा मे। ३४तुक क्यानी खो ताड मुला तम्जी ल्यामु वोतुपतिवी दिक्पा मिक्की। दिक्पा क्या क्यावा देतुप मीतिवा सी साड खोला माथोड वे, डो साड माशे वे। ३५डे ड्रियड्ज्येवु आडातिवा, ख्यिराडला सी साड जिनोक मोजोशी। सी लाका टेड्बु किवे, ती ति ख्रीष्ट टेड्बु वोतुप दोके टेड्बु यिन। ३६सी दिक्पा किवे, ती ति डेकी ति यिन। च्यिलासिसिन डेकी गोमा नेज्यु दिक्पा कियी वे। तुक क्यानी डेकी लाकातिवा ना तोङ्गुपला राड कोन्छ्योककी सेवु येशू ख्रीष्ट फेवु यिन। ३७कोन्छ्योककी

पुज्युड पुमतिवा सी साड दिक्पा मिकिवी। च्यिलासिसिन खोकी सुड ति तिवा मुला गिवा। तिवा खोकी पुज्युड पुमतिवा यिन्दुप तप्की दिक्पा क्या क्यावा मेदेवी। १०ती नेसुर राड कोन्छ्योककी गिपा सु यिन, डेकी गिपा सु यिन सिरुप ति हाक्कोकिवी। लाका टेड्बु मिकिवुतिवा ताड खोरो अच्युनुपला ड्रियड्ज्ये मिकिवुतिवा ति कोन्छ्योककी पुज्युडपुम मिन।

च्यिककी च्यिकला ड्रियड्ज्ये कि गोकिवी

११ख्यिरा तोड नेज्यु थोवु सुड ति दी राड यिन। दाक्पी च्यिककी च्यिकला ड्रियड्ज्ये कि गोकिवी। १२दाक्पु कयिन दोके वुड्गुप मेड्गिवा। कयिन ति डेकी ओडला वोतुप मी यिन। तीकी खोरो नुप हाबिलला सेसुड। तीकी खोरो नुपला च्यिला सेसुड? च्यिलासिसिन तीकी लाकातिवा दुक्टा नोक, तीकी नुपकी लाका ति टेड्बु नोक। १३तुक क्यानी डे ड्रियड्ज्येवु अच्युनुपतिवा, जम्बुलिडकी मीतिवी ख्यिराडला ड्रियड्मर क्यासिन ख्यिराड हलेवा माकी। १४दाक्पुला याड शेष छ्येर्पा मिन, मिजी सम्बा थोप्नी वे सिरुप ति छ्या राड वे। च्यिलासिसिन दाक्पी याड अच्युनुपतिवाला ड्रियड्ज्ये क्या वे। सी खोरो अच्युनुपला ड्रियड्ज्ये मिकिवे, ती ति शेष ति शितोक लुकिवी। १५रड्गी अच्युनुपतिवाला ड्रियड्ज्ये मिकिवु मीतिवा तेरी शेन्बा दोके यिन।

तीला नाम्साड मिसिवु मिजी मोथोपिवी सिरुप ति ख्यिराडला साड छ्या वे। १६ड्रियड्ज्ये काड यिन सिरुप ति चुक क्यानी हाक्कोकिवी सिसिन, येशू ख्रीष्टकी दाक्पी थोक्ला मिजी नड्गुप ल्हासिमा हाक्कोकिवी। तुक क्यानी दाक्पी साड रड्गी अच्युनुपतिवा थोक्ला मिजी तेर गोकिवी। १७मी ललाइकी खोरो लोला टोड्बा वोसिनाड खोरो अच्युनुपतिवाला कतुकार ख्येलुप थोडिसनाड तीकी सेम क्योड्बु जेवी सिसिन तीकी मुला कोन्छ्योककी ड्रियड्ज्ये गिवा रो? १८डे ड्रियड्ज्येवु आडातिवा, ख्यिराड ख तिराडकी ड्रियड्ज्ये कितिन सिरुप मिन, यिने लाका टेड्बु क्यानी ड्रियड्ज्ये छ्या तेन।

१९तुक क्यासिन दाक्पु ति टेड्बुकी गिपा यिन सिनी हाक्कोकिवी, तमा कोन्छ्योककी थोड्दाडला साड दाक्पु तेन्तेन च्युड्गिवा। २०यिने दाक्पी सेमगी राड दाक्पुला क्येन बिन्सिनाड, कोन्छ्योक ति दाक्पी सेम सिनाड च्यम्बा वोतुप ताड चोछ्ये वे। तमा तेरी ताम्डे ति खोला छ्या वे। २१तुक क्यानी डे ड्रियड्ज्येवुतिवा, दाक्पी सेमगी दाक्पुला क्येन माबिन्सिन, दाक्पु कोन्छ्योककी चिप्ला डाडेड क्यानी डो थुप्किवी। २२तमा दाक्पी काड लडिसनाड खोकी दाक्पुला नड्गिवा। च्यिलासिसिन ती ति दाक्पु खोकी कला ड्येन्नी खोला गा लड्गुप लाका क्यावु तप्की यिन। २३खोकी

दाक्पुला नङ्गुप क ति दी यिन। दाक्पी येशू ख्रीष्टला तेपा कि गोकिवी, तमा येशू ख्रीष्टकी दाक्पुला सुङ्गुप दोके च्यिककी च्यिकला ड्रियङ्ज्ये कि गोकिवी। ^{२४}येशू ख्रीष्टकी कला ड्र्येन्दुपतिवा तेरी खोकी मुला तम्जी ल्यामु गिवी, तमा खो साड तिवी मुला तम्जी ल्यामु गिवी। खो दाक्पी मुला तम्जी ल्यामु वे सिरुप ति खोकी दाक्पुला नङ्गुप थु चाड्मा नेसुर हाक्कोकिवी।

सेम टेड्बु ताड मेटेड्बु ल्हाप

४ डे ड्रियङ्ज्येवुतिवा, थु चाड्मा नेमा वावु ताम्डे क्यासिन ख्यिराड तिवा तेरीला तेपा माकी, यिने ती ति कोन्छ्योक नेमा वावु थु चाड्मा यिनोक मिनोक सिनी हाक्कोवा की। च्यिलासिसिन लुङ्तेम्बा मेटेड्बुतिवा बडी दी जम्बुलिडला थेन वोतो। ^२चुका तीकी येशू ख्रीष्ट दी जम्बुलिडला मी जुजमला फेवु यिन सिनी सि वे, तीला कोन्छ्योक नेमा वावु थु चाड्मा वे। ^३यिने चुका तीकी येशू ख्रीष्ट दी जम्बुलिडला मी जुजमला फेवु यिन सिनी मिसिर वे, ती ति कोन्छ्योक नेमा वावु मिन, येशूकी तेन्दोकला लङ्गुप थु मेटेड्बु यिन। तीकी कोर्ला तोड्ला के जम्बुलिडला गिवी सिनी ख्यिरा हाक्को वे। ती ति जम्बुलिडला वान सिन वे। ^४डे आडातिवा, ख्यिराड याड कोन्छ्योककी पुज्युडपुमतिवा यिन। तुक क्यानी ख्यिराड लुङ्तेम्बा

मेटेड्बुतिवी खला ग्येल वे। च्यिलासिसिन जम्बुलिडला वोतुपतिवी सिनाड ख्यिरा सेमला वोतुप कोन्छ्योककी थु चाड्मा ति चोछ्ये वे। ^५यिने लुङ्तेम्बा मेटेड्बुतिवा जम्बुलिड नेमा क्येवु यिन। तुक क्यानी तिवा जम्बुलिडकी ताम्डे राड किवी, जम्बुलिडकी मीतिवी साड तिवी ताम्डे राड ड्र्येन्गिवी। ^६दाक्पु ति कोन्छ्योककी पुज्युडपुमतिवा यिन। सी कोन्छ्योकला डो शेवे, तिवी दाक्पी ताम्डे साड ड्र्येन्गिवी। सु कोन्छ्योककी ति मिन वे, तीकी दाक्पी ताम्डे साड मेड्र्येन्वी। ती नेसुर राड दाक्पी थु टेड्बु ताड थु मेटेड्बु डो शेकिवी।

कोन्छ्योक ति ड्रियङ्ज्येवु वे

^७डे ड्रियङ्ज्येवुतिवा, दाक्पु च्यिककी च्यिकला ड्रियङ्ज्ये कि गोकिवी। च्यिलासिसिन ड्रियङ्ज्ये ति कोन्छ्योक नेमा गिवी। सी ड्रियङ्ज्ये किवे, ती ति कोन्छ्योककी पुज्युडपुम यिन, तीकी कोन्छ्योकला डो शेकिवी। ^८च्यिककी च्यिकला ड्रियङ्ज्ये मिकिवु मी तीकी कोन्छ्योकला साड डो मेशेवी। च्यिलासिसिन कोन्छ्योक ति ड्रियङ्ज्ये वोतुप कोन्छ्योक यिन। ^९कोन्छ्योककी दाक्पुला चुक क्यानी ड्रियङ्ज्ये क्यासुड सिसिन खोकी सेवुला तेपा क्यानी दाक्पु सेन्बु लुशी सिनी खोकी च्यिक राड वोतुप सेवु ति दी जम्बुलिडला ताड्सुड।

१० ड्रियङ्ज्ये सिरुप ति काड यिन सिसिन, कोन्छ्योकला दाक्पी ड्रियङ्ज्ये क्यावु मिन, यिने खोकी दाक्पुला ड्रियङ्ज्ये क्या नाङ्नी दाक्पी दिक्पी ठिलेन च्योलुपला खोकी सेवु येशू ख्रीष्ट ताङ्नी जिन्बा च्युड च्यिसुड। ११ डे ड्रियङ्ज्येवुतिवा, कोन्छ्योककी दाक्पुला छासे ड्रियङ्ज्ये क्या नङ्गुप तप्की दाक्पी साड च्यिककी च्यिकला ड्रियङ्ज्ये कि गोकिवी। १२ कोन्छ्योकला सी साड नाम्साड माथोड वे। यिन्सिनाड दाक्पी च्यिककी च्यिकला ड्रियङ्ज्ये क्यासुड सिसिन, खो दाक्पी मुला ज्युकिवी, तमा खोकी ड्रियङ्ज्ये ति दाक्पी मिजीला छेकिवी।

१३ खोकी दाक्पुला थु चाङ्मा नड वे। तुक क्यानी खो दाक्पी मुला ज्यु वे, तमा दाक्पु खोकी मुला वे सिरुप ति दाक्पी हाक्कोकिवी। १४ ड्रियरा थोङ्गुप पङ्बु ति काड यिन सिसिन, कोन्छ्योककी खोरे सेवु साड जम्बुलिङ्की मीतिवा दिक्पा ने थर ज्यितुपला नाङ्सुड। १५ चुका मी तीकी येशू ति कोन्छ्योककी सेवु यिन सिनी मी मिङ्गाला सिवे, तीकी मुला कोन्छ्योक ज्युकिवी, तमा ती मी ति कोन्छ्योककी मुला वे सिरुप ति हाक्कोकिवी। १६ कोन्छ्योककी दाक्पुला ड्रियङ्ज्ये क्या नङ्गुप ति हाक्कोवु तप्की दाक्पी खोकी क्या नङ्गुप ड्रियङ्ज्येला तेपा क्यावु यिन। खो ति ड्रियङ्ज्ये कितुप

कोन्छ्योक यिन। चुका मी तीकी मी यम्बाला ड्रियङ्ज्ये किवे, ती मी ति कोन्छ्योककी मुला वे सिरुप हाक्कोकिवी। तमा कोन्छ्योक साड तीकी मुला ज्युकिवी। १७ ती नेसुर दाक्पी मिजीला खोकी ड्रियङ्ज्ये तेरी छेसुड, तुक क्यानी खो येलुड फेप्नी ठिम कितुप तुजेला दाक्पु काड साड ज्यिवा कि मोगोवी। च्यिलासिसिन येशू ख्रीष्ट दोके क्यानी दाक्पी साड मिजी क्योङ्गिगी। १८ ड्रियङ्ज्येला ज्यिवा मे। दाक्पुला ड्रियङ्ज्ये तेरी वोसिन ज्यिवा साड तोर्किवी। च्यिलासिसिन ती ज्यिवा ति पर्च्या नेसुर गिगी। सी ज्यिवा किवे, तीला ड्रियङ्ज्ये तेरी मेछेवी।

१९ दाक्पु च्यिककी च्यिकला ड्रियङ्ज्ये किगी, च्यिलासिसिन कोन्छ्योककी गोमाला के दाक्पुला ड्रियङ्ज्ये क्या नाङ्सुड। २० दोजो मी ललाङ्की ड कोन्छ्योकला ड्रियङ्ज्ये कितिन सिगी, यिने यम्बा अच्युनुपतिवाला ड्रियङ्मर किगी सिसिन ती ति जिनोक जोप यिन। च्यिलासिसिन तीकी खोरो मिक्की थोङ्गुप अच्युनुपतिवाला साड ड्रियङ्ज्ये मिक्की सिसिन मोथोङ्गुप कोन्छ्योकला ड्रियङ्ज्ये कि मुथुगी। २१ तुक क्यानी सी कोन्छ्योकला ड्रियङ्ज्ये किवे, तीकी यम्बा अच्युनुपतिवाला साड ड्रियङ्ज्ये कि गोकिवी सिनी खोकी दाक्पुला क नड वे।

तेपा कितुप ति जम्बुलिडला ग्येलुप यिन

५ येशू ति दिक्पा ने थर ज्यितुप स्त्रीष्ट राड यिन सिनी तेपा कितुपतिवा तेरी कोन्छ्योककी पुज्युडपुम यिन। सी पपाला ड्रियङ्ज्ये किवे, तीकी खोकी पुज्युडला साड ड्रियङ्ज्ये किवी। ^२दाक्पु कोन्छ्योकला ड्रियङ्ज्ये कितुप ताड खोकी कला ड्रियेन्गिबी सिसिन ती नेसुर कोन्छ्योककी गिपाला दाक्पी ड्रियङ्ज्ये किवी सिरुप ति हाक्कोकिवी। ^३कोन्छ्योककी कला ड्रियेन्दुप ति दाक्पी खोला ड्रियङ्ज्ये क्यावु यिन। खोकी कतिवा ड्रियेन्दुप ति कले मे। ^४च्यिलासिसिन कोन्छ्योककी पुज्युडपुमतिवा तेरीकी जम्बुलिडकी खला ग्येल्विबी, जम्बुलिडकी खला ग्येलुप ति दाक्पी कोन्छ्योकला तेपा क्यानी यिन। ^५जम्बुलिडला ग्येलुप ति सु यिन सिसिन, येशू ति कोन्छ्योककी सेवु यिन सिनी तेपा कितुप तिराड जम्बुलिडला ग्येलुप यिन।

^६ती येशू ति छ्यु ताड ठक नेमा फेवु यिन। ^७छ्यु तिराड मिन, छ्यु ताड ठक नेसुर फेवु यिन। पड्बु तेरुप ति कोन्छ्योककी थु चाड्मा यिन, च्यिलासिसिन कोन्छ्योककी

थु चाड्मा ति टेड्बु वे। ^८पड्बु तेरुप ति सुम चोके वे। ^९तीकी तेन्दोक ति थु चाड्मा ताड छ्यु ताड ठक यिन। दिवा सुम ति च्यिक्पा राड यिन। ^{१०}दोजो दाक्पु मी पड्बु बिन्दुप ताम्डेला साड सेमला लिङ्गिबी सिसिन, कोन्छ्योककी पड्बु याड छासे चोछ्ये वे। च्यिलासिसिन ती पड्बु ति कोन्छ्योक नेमा वोवु यिन। ती ति खोकी सेवु येशूकी कोर्ला नङ्गुप यिन। ^{१०}सी कोन्छ्योककी सेवुला तेपा किवे, तीकी सेमला ति पड्बु ज्यकुप गिवी। यिने कोन्छ्योककी सेवुला तेपा मिकिवु तीकी खोला मेटेड्बु जोवु गिवी। च्यिलासिसिन कोन्छ्योककी खोरे सेवुकी कोर्ला पड्बु नङ्गुप ताम्डेला तीकी तेपा मिकिवी। ^{११}पड्बु ति दी राड यिन, कोन्छ्योककी दाक्पुला नाम्साड मिशिवु मिजी नाड्सुड। ती मिजी ति खोकी सेवु येशूकी मुला वे। ^{१२}सी ति खोकी सेवु येशू ताड मुला तम्जी ल्यामु नोके, तीकी मुला मिजी साड वे। तमा खोकी सेवु ताड मुला तम्जी ल्यामु मेतुप तीकी मुला मिजी साड मे।

तिङ्मी टोङ्गु

^{१३}दी यिकी ति ख्यिराड कोन्छ्योककी सेवु येशूला तेपा कितुपतिवाला नाम्साड मिशिवु मिजी थोप्शी सिनी

५:६ तीकी तेन्दोक ति खोकी बप्तिस्मा लासुड, ग्यङ्गिडला टुङ्नी मी दिक्पी थोक्ला ठक तेन्दुप यिन सिनी सिक्पावु यिन।

हाक्को ज्यितुपला डे टिवु यिनो।
 १४ दाक्पी कोन्छ्योकला रेवा क्यावु
 ति काड यिन सिसिन, खोकी नोवाला
 काड लडिसनाड खोकी दाक्पुला
 नडिगवी सिरुप ति दाक्पुला तेन्तेन वे।
 १५ तुक क्यानी दाक्पी मोपोर क्यानी
 काड लडिसनाड कोन्छ्योककी
 सेन्गिगी सिरुप ति दाक्पुला छ्या
 वोतुप तप्की दाक्पी खोला काड
 लाड्वे, ती ति ड्येनिड वे सिनी तेन्तेन
 गिगी।

१६ सी साड यम्बा नुपकी दिक्पा
 कितुप थोड्सुड, यिने ती दिक्पा ति
 ड्येलाला क्योलुप दिक्पा मिन्सिन,
 तीकी तिवी थोकला कोन्छ्योकला
 मोपोर कि गोकिगी। तीकी क्यावु
 दिक्पा ति ड्येलाला क्योलुप दोके
 मेसिन कोन्छ्योककी तीला मिजी
 नडिगवी। यिने ड्येलाला क्योलुप
 दिक्पा साड वे। तीकी थोकला
 ति ड सुला साड गोड्बा शु सिनी
 मिसिर। १७ टेड्बु मेतुपतिवा तेरी
 दिक्पा यिन। यिने ललाइ दिक्पा साड

गिगी, तीकी ड्येलाला मोक्पोल्वी।
 १८ कोन्छ्योककी पुज्युडपुमतिवा सी
 साड दिक्पा क्या क्यावा मेदेवी।
 तिवाला खोकी सेवुकी राड नरी
 ज्होकिगी। तमा दुक्टाकी साड
 तिवाला ना तोड मुथुपी। १९ दाक्पु
 ति कोन्छ्योककी पुज्युडपुमतिवा
 यिन सिनी दाक्पुला छ्या वे। यिने दी
 जम्बुलिड ति तेरी दुक्टाकी ओडला
 शोर्नी वे। २० दाक्पुला छ्या वोतुप ति
 काड यिन सिसिन, कोन्छ्योककी सेवु
 दी जम्बुलिडला फेप्नी दाक्पी खोला
 डो शेवु रिक्पा नड्सुड। तुक क्यानी
 खो टेड्बु यिन सिरुप ति दाक्पी
 हाक्कोकिगी। तमा खो ताड मुला
 दाक्पी तम्जी ल्यामु वे, खोकी सेवु
 येशू ख्रीष्टकी मुला साड तम्जी ल्यामु
 वोतुप हाक्कोकिगी। ती येशू ख्रीष्ट
 ति टेड्बु वोतुप कोन्छ्योक यिन।
 खोकी दाक्पुला नाम्साड मिशिवु मिजी
 नडिगवी।

२१ डे आडातिवा, ख्यिराड दाक
 दाक्पुला कुतिवा नेसुर ज्होकनी देता।

